

西域考古錄卷第九

海鹽俞浩



伊犁惠遠城

管城八

綏定

惠遠城北三十里地名烏哈爾里

塔爾奇城

惠遠城西

北三十里

廣仁

惠遠城西北八十里地名烏克博羅克土人名大草蘆薈

瞻德

惠遠城西北七十里地名察罕烏蘇一名清水河

拱宸

惠遠城西

里地名霍爾果斯河有巡檢司

熙春 惠遠城東八十里地名巴彥岱土名槃子

惠寧

惠遠城東北七十里地名巴彥岱有巡檢司

寧遠

惠遠城東南九十里地名

固爾札河回城也

西域考古錄

卷九

伊犁古名伊列伊列伊麗皆一聲之轉也名始見於漢書陳湯傳曰北擊伊列西取安息通鑑注云伊列漢西域故國也近康居北祁氏西域釋地云伊犁源於庫爾喀刺烏蘇之喀什山陽其地在伊犁東北千里西北流合空格斯河逕惠遠城南又西北至哈薩喀界入於巴勒喀什淖爾淖爾者海子也東西長八百里南北百數十里海中有三山環海子三十里皆戈壁也今考之歷代史及諸圖志開元十道圖志邱長春西遊記則伊犁之河實不僅此其上源則發於今哈刺沙爾西北之納

刺特大嶺地名鹿圈泉水從地湧出如鏡如星流爲昌
曼河河水東北流至庫爾喀刺烏蘇所謂黑水城也濟
爾刺朗河敦木達河奎屯河博勒古河入焉河水又西
折而北合精河河水又西北流逕寧遠回城固爾札河
入焉又西北流逕惠遠城南又西逕塔爾奇城諸泉水
從北來注之又西北流空格斯河東南來入之又察罕
烏蘇阿里瑪圖河與之合從此西流分爲二派東派北
流合庫庫車集河又北流入巴爾喀什淖爾其西派遶
阿勒坦鄂拉

譯言金山也

其南流入諾渾淖爾其北合固爾

西域考古錄 卷九

二

板阿林圖河又北合喀什格倫河又北入巴爾喀什淖
爾考伊犁河佛典謂之帝帝河自東南以趨西北橫亘
伊犁境中四五百里所匯之水圖志可名者凡九十九
條祁氏以喀什空格斯二河當之毋乃踈乎唐西突厥
十姓之地多在龜茲之北白山之西其鼠尼施處半部
爲鷹娑都督府在今烏什之鷹落山唐志自弓月城過
思渾川執失密城渡伊麗河至碎葉界按執失密亦曰
拔悉密

突厥傳拔悉密臨突厥牙帳傲欲谷曰此衆去
家千里必將死戰未可擊也不如以兵躡之去

北庭二百里分兵由間道先掩北庭因縱
擊盡虜其男女而還蓋在今迪化州界內唐西突厥分

兩國皆以伊麗河爲界以烏鏃曷山西爲北庭雖合水
北爲南庭自焉支西北七日行得南庭北八日行得北
庭北庭當在今黑水城界南庭當在今康吉城界蓋哈
刺沙爾與喀拉烏蘇南北相對馬行可八日也是唐時
北庭都護與碎葉鎮城亦以伊犁河爲界也所指伊麗
河卽今之昌曼河又可知矣至烏孫舊治赤谷城見漢
書西域傳神爵中國分爲二大昆彌仍治赤谷後魏書
亦云居赤谷城後西徙蔥嶺中是烏孫國在山南之證
今阿克蘇城北鹽山土色純赤當卽烏孫之赤谷城也

西域考古錄

卷九

三

陳湯傳郅支擊烏孫深入至赤谷城又云烏孫不敢追
西邊空虛不居者且千里是蕃內地在康居境內四千
餘里徐氏謂烏孫之境西自捐毒之北東迄焉耆之北
旁白山之陽亘三千五百里其東則車師是與匈奴接
又漢書西域傳云與諸翎侯懼去居北山中按此卽今
八達坂冰嶺以東至博羅圖山卽天山以在烏孫北故
曰北山此亦足見烏孫在山南之證溫宿傳北至烏孫
赤谷六百一十里是今阿克蘇至烏孫王庭僅六百餘
里也水經注水道姑墨西北歷赤沙山東南流逕姑墨

國西赤沙山卽赤谷也今之鹽山是矣姑墨西北正溫
宿之北後魏書溫宿在姑默西北今阿克蘇城至滴水
崖二百八十里漢書龜茲北與烏孫西與姑墨接後魏
書龜茲都城在白山南百七十里故怛白山陽卽烏孫
界水經注龜茲西去姑墨六百七十里唐三藏西域記
龜茲西行六百餘里經小積至跋祿伽國是姑墨之北
山爲烏孫地卽今之拜城姑墨傳云出銅鐵雌黃今滴
水崖有上下銅廠而庫車北山又名丁谷山出礪砂則
赤沙山所歷繇亘矣唐志又云出安西府拓厥關渡白

西域考古錄

卷九

四

焉河四百餘里至撥換城撥換城卽姑墨故國也又西
北二百里至大石城大石城卽溫宿唐又謂之溫肅州
又西北經勃達嶺傍熱海行熱海者元時名亦切湯兒
按白山洞穴中多溫泉熱海亦爲礪砂所蒸嚴冬不冰西北行千四百餘里至碎

葉城蓋今之伊犁由善塔斯嶺西南行千五百里至冰
嶺之麓是今之八達坂由西北則至昔之碎葉鎮城由
東北則至今之伊犁惠遠城也撥換城在唐時最爲表
著蓋自安西至碎葉疎勒于闐爲四鎮要道貞觀中阿
史那社爾拔龜茲都城其王保撥換城咸亨元年吐蕃

陷撥換遂取四鎮景龍初突騎施入寇分道出安西撥
換敗唐兵於計舒河口計舒卽塔里木河通典謂之計
戍水亦曰黃河開元六年蘇祿謀取四鎮圍撥換城十
載高仙芝討小勃律自安西過撥換城入握瑟德城握
瑟德卽據史德城通典自撥換西南四百里至據史德
城自據史德五百八十里至疏勒是也唐會要鑠汗那
國酋長突厥人其國人皆烏孫種顏師古注烏孫於西
域諸戎其形最異今之胡人青眼赤須狀類彌猴者本
其種也通典謂鑠汗那婦人不飾鉛粉以青黛塗眼此

西域考古錄

卷九

五

可證其爲烏孫種類乃顯慶中以鑠汗那爲悅般都督
府何耶悅般本北匈奴部落後漢章帝時爲竇憲所敗
又數爲南匈奴攻擊北單于遠遁其遺部留居蒲類海
上後稍西徙後魏太和中與蠕蠕連兵爲蠕蠕所滅其
地悉入於柔然蓋其國當在今伊犁東南蓋亦與龜茲
接界北魏書悅般傳可考也蓋伊犁在漢初其東北境
爲匈奴東南境爲車師六國及後王之庭西北爲康居
西南爲塞地塞王破於月氏南越縣度號罽賓塞種分
散如捐毒休循皆各自爲國其故地則月氏居之烏孫

本與月氏同居祁連敦煌間烏孫為月氏所破奪其地
人民亡走子昆莫新生傳父抱持以歸匈奴而月氏亦
為匈奴所破西走塞地及昆莫長擊走月氏以報父怨
月氏西徙臣大夏烏孫始居其地故烏孫有塞種有月
氏種云是烏孫之於伊犁不過今日西南一隅即唐之
西突厥庭西二州外亦多在西南境內也

按西突厥代居金山

今名阿爾泰山

工於鐵作金山形如

兜牟俗呼兜牟為突厥因以為號

後魏及北史云西魏初其酋土門始

大常求昏於蠕蠕阿那瓌詬辱之曰爾我鍛奴何敢然土門怒攻蠕蠕被之阿那瓌自殺遂悉有其地自

西域考古錄

卷九

六

立為可汗土門子木杆可汗代立有奇表面廣一尺
色甚赤眼若琉璃性暴而智西破厥達東走契丹威
服塞外時蠕蠕主鄧叔子以亡國之餘歸命西魏木
杆請於宇文泰使人泄殺鄧叔子以下三千餘人於
青門外土門有弟玷厥號達頭可汗庭於焉耆以北
西域諸國皆歸之隋初木杆子阿波小可汗與大可
汗沙鉢罽有隙西奔達頭治兵相攻突厥自是分為
西北兩部沙鉢罽死弟處羅侯可汗會阿波可汗歸
於其後分西北兩突厥隋大業中處羅可汗始庭於
烏孫故地立二小可汗一居石國北以制諸胡一居

鷹娑山以賦城郭諸國

時煬帝征吐谷渾召處羅不至會小可汗射匱遣使求昏

射匱者達頭之孫帝持桃竹白羽箭謂使者曰射匱

有好奇心我將立為大可汗令發兵誅處羅然後為昏宜急速如箭也射匱喜攻處羅破之處羅東奔保時

羅漫山帝使裴矩將其母向氏左右往諭之處羅遂

入大業末射匱始開土宇東至玉門西臨西海始與

朝北突厥為敵建廷於龜茲之三彌山弟統葉護代立

北并鐵勒西拒波斯南接罽賓據烏孫舊地移廷於

石國北之千泉按唐志雙湖都督府去千泉二百里西域傳素葉城四百里至千泉地延

衰可二百里南即雪山三番平陸多泉因名為可汗避暑庭其中羣鹿飾鈴鏢可狎也

通與碎葉川長千餘里東頭有熱海西頭恒羅斯城唐

志素葉城二百里至雙河又二百里至千泉又西南二

百數十里至白水城原隰膏腴其南五十里笈赤城沃

野宜稻多蒲萄又二百里為石國蓋千泉在石國之北

西域考古錄 卷九

七

五百里也考杜環行程記云出龜茲西北千餘里得勃

達嶺其南抵中國其北通柘枝西南至葱嶺二千里為

渴盤陀國水南流者經疎勒入中國北流者經胡中入

西海由勃達嶺度雪海春夏常雨雪西北行千餘里得

細葉川川長千里有素葉城北國也素葉即細葉亦曰

碎葉今名為圖斯庫爾河亦曰吹河又名垂河自善塔

斯嶺迤邐西南至塔什漢邊界自圖斯庫爾北岸旁吹

河西北五百餘里俱為各旗屯田折而南千餘里流出

布魯特界勃達嶺今日八達坂一日穆素爾達巴罕譯

言冰嶺也三藏西域記云凌山葱嶺北原也嶺南北長
百里東西數十里純冰結成人行其間險滑萬狀中有
雪海惟羊腸一縊通人行路若遇風雪迷失道鮮能脫
者山有神獸非狼非狐躡其踪而進乃無差繆又有一
鷹如鵬色青白迷路者但尋其鳴聲方向前行卽得出
路矣岔口鳥卽產於此處唐之俱毗羅城卽今之賽刺
木城阿悉言城卽今之拜城據史德城一名握瑟德城
卽今之永寧城自此渡塔勒迦河踰巴勒渾大山至特
木勒圖海子南岸此海岸沙可以熬鐵特木勒華言鐵

西域考古錄

卷九

八

圖華言有也亦產大魚長八九尺又有魚骨軟而口在
頤下莫能識者海子三番平陸豈卽干泉耶又沿岸東
行三百里爲善塔斯嶺葱嶺之分支上多野葱其西北
卽吹河亦曰番河所謂碎葉水也元明事類記要稱大
雲寺尋碑記耶律文正撰尙有題名記鐫金山石壁其
地爲唐碎葉城四鎮之一零馘遺甃彷彿可見有鐵鐘
一爲景雲年中所鑄亦大雲寺舊物有四十八橋亦鎮
城古蹟也云云考阿勒坦鄂拉卽金山在今伊犁惠遠
城西北四百里徐氏謂四十八橋在果子溝者非是果

子溝今城東百里卽塔爾奇山大軍定伊犁時由博羅山越嶺而入峻險如關路通一縱惟容一騎行爲果子溝林木茂密境極幽異特非長春湛如倡和觴詠地耳考伊犁山川在祀典山則曰格登山卽侍衛阿玉錫等以二十二入破達瓦齊萬人降其騎六千五百處上有御製格登山紀功銘勒石山顛在城西南百里一日厄陵哈畢爾罕山乾隆二十二年兆惠等再定伊犁由此進兵山在城東北四百里一日洪郭勒鄂拉又北洪郭勒淖爾華語鈴澤也城東北三十里一日阿勒坦鄂拉

西域考古錄

卷九

九

華語金山也在城西北四百里一日塔勒奇山大軍定伊犁由此越嶺而入一日阿布勒刺山將軍班第參贊鄂容安徇節有廟在山之東距城東二百十里大川一日伊犁河曰阿里嗎圖河曰喀什河曰空格斯河曰撒瑪勒河曰車集河曰奎屯河曰賽刺木淖爾卽天池城東北二百里曰察罕烏蘇曰霍爾果斯河一在城西北城西北百二十里又有不在祀典之特木勒克河格根河哈勒奇刺河察陵河皆在西南卡倫之外爲碎葉之上游焉

至是西域諸國王俱授額利發名號

按額利發爲突厥官號之貴者

并遣吐屯一人監統之督其征賦唐興屢次入貢武德

初貢條支巨卵貞觀初獻萬釘寶鈿金帶馬五千匹後為從父莫賀咄所弑其

子肆葉護立為下所攻走死康居國人迎立大度可

汗貞觀十一年弟唃利失代立分國為十部部授一

箭以左廂五咄陸部置五啜居碎葉水東右廂五弩

矢畢部置五俟斤啜與俟斤突厥官之尊者居碎葉水西通稱十

姓十姓者一曰處木昆二曰胡祿屋三曰攝舍提四曰突騎施五曰鼠尼施謂之五咄陸一曰阿悉結

二曰哥舒三曰拔幹瞰四曰阿舒虛五曰阿悉結孰泥謂之五弩矢畢姓之下或綴以官或以名其例不一其處月處密拔失密車簿即車鼻咽

麴葛邏祿等部俱不在十姓之內也既而西部又

西域考古錄 卷九

立欲谷設為大可汗中分其地伊列以西屬欲谷以

東屬唃利失十三年其下亂作唃利失奔鏹汗那死

鏹汗那元魏之破洛那居西鞞西城在真珠河北有

大城六小城百顯慶初以為休循州漢書休循國王治鳥飛谷在葱嶺直大宛東南水經注河水西逕休循國葱嶺之西水皆西流是休循在葱嶺外也大唐

西域記葱嶺者據南瞻部洲中南接大雪山北至熱池干泉西至活國東至烏鐵郭義恭廣志曰休循國居葱嶺其山多大葱鏹汗那開元中助平吐火

仙改其國為寧遠當今西布魯特游牧地也右部

立其子庭於雖合水北謂之南廷雖合水今之瑪納

斯河在綏來縣城西三百二十里先是高昌與西突

厥相結約有急相助故唃利失遣其葉護屯兵可汗

浮屠城浮屠城即漢車師後王廷之務塗谷訛為浮屠為麴文泰聲援至是

侯君集滅高昌可汗懼而西走葉護以城降唐詔以

為庭州即北庭都護府并置屬縣今阜康縣境即其

故地後欲谷浸強使石國吐屯擊之禽以歸殺而并

其地又滅吐火羅留子為王鎮之寇伊州又以處月

處密兵圍天山軍安西都護西州刺史郭孝恪將兵

自烏骨邀擊敗之解天山圍乘勝進拔處月俟斤所

居城後以其地置金滿州沙陀州復於金娑嶺置金嶺城元和郡縣志西州北至金娑嶺至北庭都

護五百里為今土魯番廳至烏魯木齊要道雍正八年準夷襲庫舍圖嶺九年圍魯克沁四旬不下復以

西域考古錄 卷九

十一

木梯三百攻哈喇和卓十一年修巴里坤盤道數十

折衛以關楯又修托克遜土城及根忒克運道至哈

刺巴勒孫共長二百八十里軍民莫不便之追奔至遏索山降處密之衆

而歸按遏索山據謝氏云即靈山也欲谷擊康居道過米國襲破之

唐西域志米國康居之分國亦名彌末距康國北百

里顯慶中以其國為南謐州所謂康居九姓皆以昭

武為氏虜獲甚多不以分其將執泥啜奪取之斬以徇

衆怒為胡祿屋部所攻狼狽不敢歸將赴吐火羅未

至左右盡亡去乃入可賀敦城因復取白水城以居

在石國東北於是西部訴於唐立莫賀咄子為乙毗

二百五十里射匱可汗先是欲谷時以阿史那賀魯為葉護居多

羅斯川直西州北千五百里統處月處密多邏祿哥

娑失畢五部之衆爲乙毗所迫帥所部數千帳內屬

詔處之庭州莫賀城

在庭州西延城西六十里其二後滅賀魯爲沙鉢羅守捉

十三年置瑤池都督府隸安西以賀魯爲之招集離

散部衆漸盛會太宗崩乘喪謀取西庭二州庭州刺

史駱宏義以聞遣使撫之因遣子啞運入宿衛尋遣

歸說其父擁衆西走擊破乙毗之衆併其地自號沙

鉢羅可汗建牙邪羅斯川

邪羅斯川在雙河西二百里卽千泉也與多羅斯川

東西相距二千餘里諸家多譌爲一地也

十姓及處月處密諸部與西域

西域考古錄

卷九

諸國皆歸之乃以其子爲葉護是時其地東至突厥

西雷嘉海南疏勒北瀚海

按水經注葱嶺之上河源潛發其嶺分爲二水一水西

逕休循國南又逕難兜國北又西逕罽賓國北又西逕

月氏國南又西逕安息國南與蝮羅跂禰同注雷嘉海

董氏謂葱嶺以西水不爲中國河酈注因葱嶺之源連

類及之也今蔥嶺之水西流者盤曲山中其西北入達

里岡阿鄂謨者川流較近與安息入海之文不合惟考

巴達克山部落南有水出雅布塔爾西流東南合額爾

古一源又西流東南合達里木一源皆出西南葱嶺中
三水合而西流逕科克倫回部南又西逕瞻伊斯巴余
回城南又西逕哈扎勒巴什紅帽回部南南合一水西
北流又南合一大水又西北逕布哈爾部落西南又北
流入騰吉斯鄂謨是卽雷鵝海其海周圍數千里蓋其
時安息諸國服屬於西突厥故其西境至此也又按漢
書西域傳拍毒西上葱嶺卽休循難兜西至無雷北與
休循西與大月氏接罽賓東北至難兜西北與大月氏
接大月氏西至安息南與罽賓接安息北與康居接更
西域考古錄

卷九

三

以酈注推之之則今之巴達克山休循爲其北境難兜
爲其南境痕都斯坦北境爲罽賓科克倫諸部落爲大
月氏布哈爾諸部落爲安息也西域傳大月氏都媯水
北安息亦臨媯水其卽葱嶺西流之水歟惟蜺羅跋禘
水無可考證耳

永徽元年入寇庭州攻陷金嶺城

在今巴刺勒噶順臺東五十里蒲

類縣

元和郡縣志南至州十八里當今鞏寧城東九十里

殺掠數千人二年詔

以梁建方契苾何力爲弓月道

弓月城瀕伊麗河在今庫爾喀刺烏蘇西

行軍摠管發秦成岐雍府兵三萬人回紇五萬騎討

之駱宏義上言兵本討賀魯而處月處密等亦各欲自免請寬處月處密等罪發其騎及乙昆之兵
一月食急趣之大軍住憑落河上爲之景助此以夷狄攻豺狼也天子然其奏佐建方經畧之按馮洛河在鞏寧城西二百里唐爲馮洛鎮隸庭州都護

冬處月朱耶孤注殺使臣與賀魯相結據牢山按謝氏戎

幕隨筆祁連山漢曰白山亦曰天山今之博克達山及庫舍圖嶺皆是也其橫亘南北巴里坤烏魯木齊在山陰哈密土魯番在山陽土魯番之靈山其南幹也亦名土番山唐書突厥謂髮爲葛索土番卽葛索之轉亦曰過索郭孝恪邀擊突厥於烏骨追奔至過索山烏骨卽烏克嶺在今小南路漢之五船道也過索山卽土番山亦名靈山山石色黑有紋如毛髮遠望分明狄執語髮爲土番亦猶秃髮氏之爲吐蕃也貪汗山北有石城山亦曰赤石山又曰牢山爲今烏魯木齊之紅山唐書地理志亦曰睹蒲卽浮屠務

西域考古錄 卷九

塗之譌按牢山與唐志堅昆部落之牢山劔水名同地異顧氏說誤

按新舊五代史皆以沙陀爲同羅僕骨人其始祖爲拔野古貞觀中破突厥分同羅僕骨於北庭之磧置沙陀府以拔野古爲都督子孫相傳數世故其後因號沙陀云然考之北史及隋唐諸傳其說皆非也夷狄無姓氏同羅僕骨拔野古者鐵勒諸部族之三部落也以鐵勒爲突厥其譌一以拔野古爲人名其譌二唐以處月地爲金滿州以處月世居金娑山取漢書北通後部金滿城以爲州名其後子孫或自稱金山沙陀今以金滿爲

沙陀其譌三唐平薛延陀鐵勒諸部內附以同羅爲龜
林僕骨爲金微拔野古爲幽陵以其酋長爲都督此貞

觀二十年事今以爲破突厥其譌四也唐今考之鐵勒及

紇之先匈奴高車部也或曰敕勒訛爲鐵勒其部曰袁

覽葛曰僕骨曰僕固曰契苾羽曰都播曰骨利幹曰多

結曰阿跌曰白霽凡十五種尚有結骨俱羅勃契敝即

拔悉蜜三索咽裊即咽面鞠亦曰滅諸部十五部本屬

薛延陀貞觀二十年既平延陀太宗幸靈州遣使招諭

諸部皆喜車駕至涇陽十一姓各遣使人貢稱薛延陀

不從延陀去歸命天子願賜矜憐乞置官司養育奴等

上大喜詔宴其使賜酋長璽書九月上自涇州至靈州

諸部相繼詣靈州者數千人咸云願得天至尊爲奴等

天可汗子子孫孫常爲天至尊奴死無所恨上爲詩序

西域考古錄 卷九

其事曰雪恥酬百王除凶報千古勒石靈州十二月廻

紇俟利發吐迷度僕骨俟利發哥濫拔延拔野古俟利

發屈利失同羅俟利發時健啜多濫葛俟斤末思結酋

長烏碎及渾斛薛奚結阿跌契苾白霽皆來朝賜宴於

芳蘭殿二十一年春正月詔以迴紇部爲瀚海府僕骨

爲金微府多濫葛爲燕然府拔野古爲幽陵府同羅爲

龜林府思結爲盧山府渾爲臯蘭州斛薛爲高關州奚

結爲雞鹿州阿跌爲雞田州契苾爲榆溪州思結別部

爲蹕林州白霽爲賓顏州各以其酋爲都督刺史各賜

金銀繒帛錦袍敕勒大喜捧戴歡呼拜舞宛轉塵中及

還宴設十部樂而遣之諸酋奏稱臣等旣爲唐民往來

天至尊所如詣父母請於迴紇以南突厥以北開一道

謂之參天可汗道置六十八驛各有馬及酒肉以供過

使歲供貂皮以充租賦仍請能屬文一人使爲表疏於

是北荒悉平其後諸部之官於朝而以功名顯如僕固

懷恩李光顏輩光顏本阿跌部人賜姓李氏而渾氏父

子尤忠於唐至天寶初廻紇裴羅始滅突厥而居其故

地建牙於烏德健山今之杭愛山也自至德以後中國

多故廻紇破有拔悉密葛邏祿二部每戰二客部常爲先鋒拓地愈廣東極室韋西距金山南控大漠盡得古匈奴地遂與吐蕃相抗肅宗借其兵以收兩京元和初入朝始以摩尼至京師摩尼者可汗與其國者也其法曰晏食水飲茹葷屏淫酪是卽回教之祖也今之天主教唐謂景教從波斯國及吐火羅國來蓋二教皆自唐之中葉始入中國當時旣立大秦寺復立摩尼寺時廻紇請改國名曰回鶻自元和至武宗朝不數十年竟爲點戛斯所滅其國人至收摩尼書像焚之於道異端之害人國夷狄且然况中國乎然其教卒不能去蔓延中土迄於今千有餘年以默德那爲祖國僞造天方古史以實之而不知自晉以後史書所載至爲明晰又可誣乎

永徽三年春建方等大破孤注於牢山禽斬之斬級

九千時欲谷死於吐火羅其子自號眞珠葉護與失

西域考古錄

卷九

六

畢部擊賀魯破之五年以程知節爲葱山道行軍大

摠管討賀魯八月與哥邏祿處月二部戰破之榆幕

谷

在今嶺城東今阜康縣境

副摠管周智度攻突騎施處木昆於

咽城

未詳其地

斬首三萬級十二月知節引軍至鷹凌川

在今烏什境中

遇賊二萬騎別部鼠尼施以二萬騎繼至前

軍蘇定方帥五百騎馳擊之賊大潰追奔二十里殺

獲千五百人獲馬器械無算副摠管王文度害其功

矯稱別得旨委其節制收軍不許深入士卒跨馬被

甲結陣終日不勝疲頓馬多死定方請囚文度飛表

以聞知節不從至怛篤城當在今有羣胡歸附者文

度盡殺之分其資財獨定方不取師旋文度以矯詔

坐死知節減死免官顯慶元年以葛邏祿部分置玄

池陰山大漠三都督府葛邏祿本突厥諸族在北庭

包多怛嶺與車鼻部接有三族唐以為陰山大漠元

池三都督府後又分大漠置金附州後稍南徙號三

姓葉護庭州以西諸戎畏之處烏德健山者臣於回

紇在金山北庭者徙居十姓故地盡有碎葉城怛羅

斯城遂與回紇爭強

考葛邏祿即哥邏祿唐會要踰金娑嶺即其地北與車

鼻接車鼻亦曰車簿突厥之族代為小可汗牙於金山

西域考古錄

卷九

北千里蓋即今撻拉巴哈台也唐會要稱其西有哥邏

祿北有黠戛斯是也永徽初置狼山都督府於鬱督軍

山即今阿以統其衆狼山取狼居胥語也考哥邏祿之

玄池府在綏靖城大漠即接沙陀部金附州今勝金口

也陰山在輪臺縣東今阜康縣西境見元邱長春西遊

記西突厥傳稱哥邏祿部之在烏德健山者臣於回紇

回紇建牙即在烏德健山即今喀爾喀旗內之杭愛山

蒙古語馬鞍為杭元為乃蠻王庭太祖滅乃蠻徙都之

之所也

二年以蘇定方爲伊麗道行軍總管帥燕然都護任雅相副蕭嗣業瀚海都督回紇婆閏等討賀魯以阿

史那彌射與步眞爲安撫大使分出金山道

此指金娑嶺而

言

定方以精騎至曳咥河賀魯與其壻胡祿屋闕噉

等二萬餘騎來拒定方令步卒據原攢稍外注自以騎陣於北虜三犯原上軍不動定方縱騎乘之虜大潰俘斬萬餘殺大會二百餘人賀魯輕騎奔竄渡伊麗河溺死無算定方命嗣業婆閏趣斜羅斯川自與

西域考古錄

卷九

十六

大軍踵後會大雪二丈餘軍中請須臾定方曰今寥晦風烈虜謂我不能進必休息士馬亟追可及省日兼功上策也遂晝夜蹋雪行收所過土馬至雙河與彌射步眞合時彌射已破其據柵軍降處月諸部軍飽氣張距虜牙二百里布陣而行徑至其牙帳賀魯與其徒將獵掩擊之俘數萬獲器械鼓燾賀魯跳兔定方追至碎葉水盡奪其衆賀魯與子咥運將奔鼠褥設至石國之蘇咄城齎寶入城且市馬城主伊溫達干詐將酒食出迎遂拘而執之會嗣業兵至以賀

魯還西域遂平

石國一名柘枝又曰赭時漢故康居小王竄匿城地東北與西突厥接西

南行五百里至康國有藥殺水出石西南流入中國謂之真珠河亦曰質河按唐志赤山城西三十里渡真珠河赤山今之鹽山去阿克蘇城六百里又石國傳云石東南千里有阨捍者山四環之西千里距堵利瑟那東臨素葉水水出葱嶺北原色濁西北流入大磧無水草五百餘里即康也又龜茲傳云姑墨城西三百里度石磧至凌山葱嶺北原也素葉水即細葉川即碎葉城北水亦曰碎葉川以此推碎葉川水源於今之冰嶺今烏什之胡什奇河亦出冰嶺但東流又阿克蘇之渾巴什河在城西五十里源出冰嶺又踰嶺南行八十里至塔木台河流浩瀚皆冰山湧出之水然皆東流入羅布淖爾惟葱嶺西界之水盤曲嶺中滙為圖斯庫爾者當即所謂碎葉水也真珠河當即水經之姑墨川水經云姑墨川水導姑墨西北歷赤沙山東南流是也蓋石之南北長千里有餘今其南境在布魯特游牧界北境入於哈薩克也大

西域考古錄 卷九

十九

唐西域記云赭時國周千餘里西臨葉河東○按佈捍西狹南北長在漢時當為康居極北境焉 卽鏐罕

詔以彌射為昆陵都護押五咄陸步真為濛池都護押五弩失畢仍據部落降者準其大小授官分授五

咄陸為都督隸北庭都護府 攷通典及唐會要諸府州部但有分地無州縣

戶口隨地畜牧今以諸書考之所謂嗛鹿乃嗛昆之訛其分地在今伊犁東北接塔拉巴哈台之沁達關山窩延都督府在今庫爾喀喇烏蘇之西西北接雙河都督西南接絜山都督其正南至烏什之地為鷹姿都督鹽泊都督府當今精河城西北其地有鹽海與鹽泊州接尚有陰山大漠輪臺金滿鹽祿五都督府焉

四年彌射斬真珠葉護於雙河時鐵勒思結部叛疎

勒朱俱波渴盤陁三國同反攻於闐破之蘇定方討

之軍業葉水

今喀什沙拉之著勒土斯河至納刺特嶺河也

思結保馬頭川

即著勒土斯川定方以精騎三千馳一日夜及之思結戰敗

懼而降龍朔二年發昆陵濛池二部兵討龜茲摠管

蘇海政殺彌射

步真素怨彌射誣其謀反海政不能察矯稱敕以帛賜彌射及諸酋長至

則悉收

其部下鼠尼施拔塞幹兩部畔走追討平之

軍還至踈勒南弓月部引吐蕃兵至海政不敢戰以

軍資賂吐蕃得還

按胡氏云自弓月城過思渾川度伊列河方至碎葉界方輿記要云

在焉耆西北又引唐書地理志在庭州西千里踰車嶺至弓月城又撥換城即姑墨城也南臨思渾河乃

西域考古錄 卷九

三

西北渡撥換河中河距思渾河百二十里至小石城

又二十里至於闐境之胡盧河又六十里至大石城

即溫肅州又云自撥換西南渡思渾河一百八十里

和平鋪也又經達幹城百二十里至謁者館又六十

里至據史德城龜茲境也一日蔚頭州在赤河北岸

孤石山蔚頭城漢尉頭國也漢書西域傳尉頭國王

治尉頭谷即白山之谷南與踈勒接山道不通西至

捐毒千三百一十四里徑道馬行二日徑道者山徑

之道也今自烏什至喀什噶爾驛程二千二百二十

里而沿烏蘭烏蘇徑路凡六百餘里殆即徑道也唐

志渡赤河經岐山三百四十里至葭蘆館又經達漫

城百四十里至踈勒赤河當即烏蘭烏蘇又漢書西

域傳溫宿東通姑墨二百七十里姑墨南至於闐馬

行十五口今阿克蘇城距烏什城與漢書溫宿西至

尉頭三百里數畧同自滴水厓經阿余巴特臺折

而西南行至阿克蘇城南有道通和闐此即馬行十

五日之道思渾河當即今之木拉特河弓月城當瀕

木拉特河或以謂瀕伊犁河者非是范氏云在焉耆

西北及在庭州西千里者特以梁建方等討賀魯爲
弓月道行軍摠管故有此臆揣觀弓月部屢攻於闐
及疎勒與吐蕃相結可知。又按徐氏謂弓月城在
其地在今阿克蘇東北也。喀刺烏蘇西者亦非

自彌射被害諸部離心弓月及思結咸叛定方既平
思結惟弓月頻攻於闐麟德元年詔西州與安西共
擊弓月以救於闐時步真亦死十姓無主阿史那都
支與李遮旬者以其餘衆附吐蕃邊患愈棘咸亨元
年夏吐蕃連陷西域十八州襲龜茲撥換城以兵戍
之朝議罷四鎮以都支爲延旬都督以安集五咄陸
之衆旣而弓月南結吐蕃北招咽麴攻降疎勒乃詔

西域考古錄 卷九

三

蕭嗣業徵兵討之大軍未至弓月懼與疎勒同入朝

上赦其罪遣歸上元初都支與吐蕃連和侵逼安西

上以問廷臣尙書裴行儉請以便宜取之乃命行儉

往執都支與遮旬以歸以王方翼檢校安西都護討

平車鼻及咽麴諸部唐書西突厥傳及裴儉王方翼傳云朝議將討都支行儉曰吐

蕃爲寇豈可復事西方今波斯王卒其子方爲質於

我宜遣送歸國道過二虜以便宜取之可不血刃禽

也從之以行儉爲冊立波斯王兼安撫大食使以肅

州刺史王方翼爲副仍令檢校安西都護初行儉嘗
爲西州刺史及奉使過州悉召其豪傑子弟千餘人
自隨且揚言天時方熱須涼乃西上都支覘知不爲
備行儉徐召四鎮諸胡酋長謂曰昔在西州縱獵甚
樂今欲尋舊賞誰當從者諸胡爭請從行得萬人陽

爲畋獵校勒部伍數日遂倍道西進去都支牙十餘里先遣都支所親問其安否外示閑暇似非討襲續使促召相見都支先與遮旬約以秋中拒唐猝聞軍至計無所出帥其子弟上謁遂禽之傳其契箭悉召諸部酋長執送碎葉城簡其精騎追掩遮旬并禽以歸因留方翼重築碎葉城立四面爲十二門皆屈曲作隱伏出沒之狀五旬而畢羣胡競來觀之因獻方物至是車簿率十姓反圍弓月城方翼引軍救之破虜衆於伊麗水斬首千餘級俄而三姓咽麪與車簿合兵來拒戰於熱海流矢貫方翼臂以佩刀截之左右不及知時所將胡兵謀執方翼以應車簿方翼知之悉召其酋長會議佯出軍資賜之以次引出斬之會大風又振金鼓以亂其聲誅七十餘人其徒莫之覺旣而分遣裨將襲擊車簿咽麪大破之禽其酋長三百人西域遂定

按弓月城介在疎勒於闐之間控帶二鎮與撥換皆爲

西域考古錄 卷九

三

西域要害通典安西都護距白山十姓突厥三百里時方翼自碎葉鎮城引兵救弓月史稱其初次葛水時暴漲沉玉以禱師涉而渡無一失陷者七月至葉河無舟而冰一夕合時以爲神葛水今無考按伊麗橫亘東西銅鉛二廠南抵厄魯特上三旗界皆河之上流秋夏水漲率不可渡故鄂卜圖特木里克雅巴鄂爾三處卡倫皆夏秋水漲卽撤葛河疑亦在此自此而西南渡河又西南渡碎葉川而至熱海通典稱碎葉川東頭有熱海是也今考寰宇記云從撥換西北二百里至大石城阿

克又西北經拔達嶺即今傍熱海西按今此路不設又

蘇水嶺西北至碎葉城約一千四百里又從撥換正南渡思渾

河始至弓月城疑弓月城在今拜城之西北白山下即

唐之車嶺也紀要譌以為瀕伊麗河也咽麵為鐵勒三

姓非突厥種其部在德嶷海亦曰極嶷海蓋以蔥嶺得

名其水從葱嶺流出匯於海子今伊西洱庫爾淖爾疑

即是也車簿亦稱車鼻突騎施之別種即黑姓突厥也

其部在雪海東北二部皆與踈勒鎮城接界者也

西突厥十姓自垂拱以後為北突厥侵掠散亡畧盡

西域考古錄 卷九 三

武后以彌射子元慶為昆陵都護步真子斛瑟羅為

濛池都護使撫存十姓既而元慶為酷吏所陷死惟

斛瑟羅收碎葉以西餘部六七萬眾徙居內地會西

州都督唐休璟請復四鎮乃以王孝傑為武威道行

軍總管將兵擊吐蕃長壽元年冬十月孝傑大破吐

蕃復取四鎮唐書王孝傑傳孝傑初從劉審禮沒蕃

贊普見而泣曰貌類吾父厚禮之得歸人在吐蕃知其虛實至

是遂破吐蕃而取四鎮 詔仍置安西都護府於龜茲

發兵戍之延載元年孝傑破吐蕃勃論贊刃西突厥

可汗倭子等於冷泉又敗之大嶺谷冷泉及大嶺谷皆在今西寧府

斬獲三萬餘人碎葉鎮鎮守大使韓思忠又破西突厥泥孰俟斤等萬餘人萬歲通天元年吐蕃遣使請和親太后遣胄曹參軍郭元振往察其宜時唐兵新敗於素羅汗山吐蕃將論欽陵請罷安西四鎮戍兵求分十姓突厥之地元振使還上言四鎮十姓吐蕃之所欲而青海吐谷渾亦我之要地也今宜報之曰四鎮十姓本無用於中國遣兵戍之欲以鎮撫西域分吐蕃之勢使不得并力東侵也今若無東侵之志當歸我吐谷渾諸部及青海之地則五俟斤部亦當以歸吐蕃此則足以塞欽陵之口而亦未與之絕也且四鎮十姓歛附日久割而棄之非所以御四夷也聖曆二年突騎施烏質勒遣子入見遣侍御史解琬安撫烏質勒及十姓部落久視元年以斛瑟羅爲平西軍

西域考古錄

卷九

三

大摠管鎮碎葉時阿悉結簿露叛詔田揚名與封思業討之揚名引斛瑟羅之衆攻其城不克九月簿露

詐降誘而斬之

按阿悉結爲五弩失畢之一簿露其名也

突騎施酋長烏

質勒本隸斛瑟羅善撫其下諸部歸之斛瑟羅不能制乃徙餘部內附既入朝烏質勒悉并其地徙其帳於碎葉城中宗初郭元振爲安西大都護詣烏質勒牙帳議軍事天大風雪元振立帳前與語久之雪深元振不移足烏質勒年老不勝寒會罷而卒其子娑葛將攻之元振入哭甚哀遂待元振如初景龍元年

春以娑葛襲温鹿都督懷德王

通鑑初娑葛既代烏質勒統眾父時故將

闕啜忠節不服相攻擊忠節不能支金山道行軍摠管郭元振奏追忠節入朝行至播仙鎮經畧使周以梯說之令發安西兵及引吐蕃以擊娑葛求阿史那獻為可汗以招十姓使郭虔瓘發拔汗那兵以自助厚賂宰相宗楚客請留不行忠節然其言遣間使賂宰相如周以梯策元振聞其謀上疏以為吐蕃求十姓四鎮之地而未獲今忠節直欲為吐蕃鄉導恐四鎮之禍自此始使吐蕃得志忠節在其掌握若破娑葛有功請分於闐疏勒不知以何理抑之又其所部諸蠻及婆羅門等方不服若借唐兵助討又不知以何詞拒之又阿史那獻父元慶叔父僕羅兄俊子及斛瑟羅懷道等皆可汗子孫也往者唐及吐蕃徧會立之以為可汗欲以招撫十姓皆不能致雖可汗舊種終不親附况又疏遠於其父兄乎若使忠節兵力自能誘脅十姓則不必求立可汗子孫也楚客不從遣馮嘉賓持節安撫忠節呂守素處置四鎮以將軍

西域考古錄

卷九

三五

牛師獎為安西副都護兼徵吐蕃以討娑葛娑葛遣使獻馬在京師聞其謀馳還報娑葛於是娑葛發五千騎出安西五千騎出撥換五千騎出焉耆五千騎出疎勒入寇元振在疎勒柵於河口不敢出忠節逆嘉賓於計舒河口娑葛遣兵襲之生擒忠節殺嘉賓禽呂守素於僻城縛於驛柱而殺之牛師獎與突騎施娑葛戰於火燒城兵敗沒遂陷安西斷四鎮路上表求宗楚客頭楚客奏以周以梯代郭元振統眾徵元振入朝以阿史那獻為十姓可汗置軍於焉耆以討娑葛娑葛遣元振書稱我與唐初無惡但讐關啜宗尚書受金枉破奴部落馮中丞牛都護相繼而來奴豈得坐而待死又聞史獻欲來徒擾軍州恐未有寧日乞大使商量處置元振奏娑葛書楚客怒奏言元振有異圖召將罪之元振使其子鴻道具奏其狀乞留定西土周以梯竟坐流白州復以元振代以梯赦娑葛罪冊為十四姓可汗

考一統志火燒城在莊浪衛南岔口堡北十六里又按

秦邊紀畧及西寧圖說俱云火燒城在岔口北鎮羌堡東切近曹家鋪爲黑番朵卜藏族住牧地記畧稱其地爲莊浪控扼諸番之地有守備駐城番之羊馬犏牛駝牛充斥道路設塘兵十二名馬十二匹較故明時裁十之二耳攷其地北通準噶爾與大通河相距甚近渡河卽青海諸部遊牧不能域以封疆之限也今攷之名臣奏疏元振疏稱牛師獎以甘涼兵閒道趣鄯州吐蕃兵未至師獎已全軍覆沒是兵未嘗至安西史稱婆葛已陷安西以兵斷四鎮道數道入寇是師獎未至西寧卽

西域考古錄

卷九

三

遇婆葛兵而敗績也顧氏方輿紀要臆揣之而云火燒城在龜茲城西北大謬又唐書地理志渡且末河五百里至播仙鎮故且末國城也又云自焉耆西五十里過鐵門關又西二百七十里至龍泉守捉又六十里至東夷僻守捉又七十里至西夷僻守捉是卽所謂僻城也記要謂播仙城在龜茲北亦誤又謂城與計舒河俱在龜茲界者俱謬

景雲二年以阿史那獻爲十姓安撫使先天元年冬

沙陀金山遣使入貢沙陀卽處月姓朱邪氏

按朱邪孤注從

賀魯戰於牢山為契苾何力所斬自永徽二年至此始再見其後至元和中朱邪盡忠與子執宜見於中國始以朱邪為姓至孫又賜姓李氏

開元二年二月默啜兵圍北庭城都護郭虔瓘擊破之殺默啜子同俄特勒三月西

突厥十姓酋長都擔叛據碎葉鎮磧西節度使阿史

那獻擒斬都擔克其城降其部落二萬餘帳突厥十

姓胡祿屋等諸部詣北庭降遣散騎常侍解琬詣北

庭宣慰降者隨便宜區處

是歲突騎施可汗娑葛之弟遮弩恨所分部落少叛

入默啜請為鄉導以伐之默啜擊敗娑葛虜之而還

謂遮弩曰汝畔其兄何有於我遂并殺之時默啜屢破葛邏祿胡祿屋鼠尼施等三姓救北庭都護湯嘉

西域考古錄

卷九

三

尼施等相應與十姓大首領及定邊道大總管史獻

互相救援高麗莫支離文簡默啜之婿也與跌跌都督思秦等亦自突厥帥眾來降九姓思

結都督磨散等來降詔悉除官遣還

以郭虔瓘為安西大都護兼四鎮經畧大使

虔瓘請募關中兵萬人詣安西討擊皆給

遞馱及熟食將作大匠韋湊疏諫不從

先是御史張孝崧奉使還陳磧西利害請往察其形勢上許之拔

汗那者古烏孫也內附歲久吐蕃與大食共立阿了

達為王發兵攻之拔汗那王兵敗奔安西求救孝崧謂都護呂休璟曰不救則無以號令西域遂帥旁側

戎落兵萬餘人出龜茲西數千里下數百城長驅而

進攻阿了達於連城躬擐甲冑督士卒急攻自己至
西屠其三城俘斬千餘級阿了達與數騎逃入山谷
孝崧傳檄諸國威振西域大食康居大宛罽賓等八
國皆遣使請降時娑葛已死其將蘓祿善綏撫十姓
歸之有衆二十萬自立爲會長遣使入見以爲金方
道經畧大使四年夏拔曳固斬默啜首來獻時大武

軍子將郝靈荃奉使在突厥以其首歸之默啜北擊拔曳固大破之於獨樂水恃勝輕歸不爲備遇拔曳固逆卒頡質畧自柳林突出斬之以其首與郝靈佺與偕詣闕懸其首於藁街拔曳固同紇同羅雷僕固五部皆來降置於大武軍北默啜死國人立骨咄祿之子右賢

西域考古錄 卷九

三

王默棘運是爲毗伽可汗國人謂之小殺也默啜自則天世爲中國患傾天下之力不能克靈荃得其首自謂不世功宋璟爲相逾年始授郎將靈荃慟哭而死按默啜之死乃拔曳固之力靈荃因人以爲功酬以郎將賞過其實唐史以璟抑其功賞殊不然也時鐵勒九姓降戶多處河曲并州長史王峻上言謂此屬徒以國喪亂歸我若彼安寧必復叛去今置之河曲往往不受軍州約束興兵剽畧與北虜聲問往來乃是畜養此屬使爲間諜虜騎南牧必爲內應宜徒之內地及聞小殺立果畔命朔方大摠管薛訥發兵追討王峻引并州兵西濟河追擊大破之於黑山呼延谷先是降戶之叛單于副都護張知運不設備與之戰於青剛嶺爲所禽至是虜敗釋之而去上以其喪師斬以徇 時突騎施蘇祿部

衆浸彊陰有窺邊之志五年五月安西副大都護湯嘉惠奏蘇祿引大食吐蕃謀取四鎮圍撥換及大石

城已發三姓葛邏祿與阿史那獻擊之

七年春俱密王那羅延康王烏勒伽安王篤薩波提皆上表言為大食所侵掠乞兵救援八年夏遣使賜

烏長王骨咄王俱位王冊命三國皆在大食之西大

食欲誘之叛唐三國不從故褒之按烏長即烏葺即北天竺又曰烏茶

骨咄在鑊沙之東或曰阿咄羅俱位亦曰商彌在大雪山勃律河北地寒冬窟室三國皆近唐不在大食

西此冬突厥寇甘涼敗河西節度楊敬述掠契苾部

落而去先是王峻奏請西發拔悉密東發奚契丹期以秋掩毗伽牙帳於稽落水上毗伽聞之懼

嗽欲谷曰拔悉密在北庭與奚契丹相去絕遠勢不相及惟拔悉密輕而好利得王峻約必先至峻與張

西域考古錄 卷九

嘉貞不相悅奏請多不相應必不敢出兵峻兵不出

拔悉密獨至逼突厥牙帳不見朔方兵懼而引退毗

伽欲擊之嗽欲谷曰此屬去家千里將死戰未可擊

也不如以兵躡之去北庭二百里分兵間道先圍北

庭因縱擊大破之拔悉密趨北庭不得入遂為突厥

所虜嗽欲谷引兵還出赤亭掠涼州羊馬楊敬述出

兵邀之大敗毘伽由是十年吐蕃圍小勃律王沒謹

大振盡有默啜之衆忙求救於北庭節度使張孝崧曰勃律唐之西門勃

律亡則西域皆為吐蕃矣孝崧乃遣疏勒副使張思

禮將蕃漢步騎四千救之晝夜倍道與勃律兵合擊吐蕃大破之斬獲數萬復其九城唐書大勃律亦曰布露直吐蕃西與小勃律接西隣北

天竺烏菴地役屬吐蕃小勃律其東少南三千里距吐蕃贊普牙西八百里屬烏菴東南三百里大勃律正南五百里个失密北五百里當護密之娑勒城王居孽多城城臨娑夷水其西山巔有大城曰伽羅布又烏菴傳曰東距勃律六百里考高仙芝討小勃律自安西過撥換城入握瑟德城即據史德城今之烏什城也經疎勒登葱嶺涉播密川共八百里頓特勒滿川唐書五識匿東五百里距葱嶺守捉所南三百里屬護密西北五百里抵俱舍有大谷五酋長自爲治播密川四谷稍不用王號令俗皆窟室分軍爲三疎勒趙崇毗自北谷道即五谷之一也撥換賈崇瓘自赤佛道

西域考古錄

卷九

仙芝自護密道約會於吐蕃連雲堡

唐書護密北魏之鉢和橫千六百里

縱狹僅四五里城北臨烏許河地當四鎮入吐火羅道故役屬吐蕃連雲堡本護密地吐蕃築堡戍之

攻破連雲堡又進三日至坦駒嶺下峻阪四十餘里行

四日前至阿弩越城城主迎降遂入小勃律都城

開元中吐

蕃奪小勃律九城阿弩越城亦其一也

按北魏宋雲西域取經記程稱八月下旬由渴盤陁行

至九月中旬入鉢和國十月初入歇達國十一月初入

波斯國稱其國境甚狹七日行過與唐書波斯傳不合

而道里遠近迥絕或波斯在北魏尚未併有安息諸國

時國甚貧小也唐書稱商彌地大二千里東北踰山七
百里至波謎羅川東西千里南北百里春夏雨雪與宋
雲稱波斯國有水昔日甚淺後山崩絕流變爲二池毒
龍居之冬夏暴雨積雪行人艱難之言相脗合豈北魏
之波斯卽唐之波謎羅川耶又云十一月中旬入賒彌
國唐書稱賒彌卽商彌在大雪山勃律河北常助小勃
律爲中國候又云劫國居葱嶺中西及南距賒彌西北
猷達也又越底延卽縛底野西北千里至賒彌小勃律
南爲个失密北當護密之娑勒城吐蕃常謂小勃律曰

西域考古錄

卷九

三

我非謀尔國假道攻四鎮爾又考个失密一曰伽濕彌
羅北距小勃律五百里大唐西域記謂之娑羅吸摩補
羅緜地四千里山周其外土沃北大雪山卽東女也唐
書云王治撥邏勿羅布邏城與西域記同開元初來朝
且言有國以來並臣天可汗受調發國有象馬步三種
兵臣身與中天竺王扼吐蕃五大道禁出入戰輒勝有
如天可汗兵至勃律者雖衆二十萬能輸糧以助考開
元中破平朱俱波渴盤陁置葱嶺守捉所爲安西極邊
戍其西五百里卽五識匿由此而南三百里卽護密由

護密道吐火羅入商彌過河而南卽至小勃律高仙芝
自疎勒入葱嶺宋雲自於闐入葱嶺故微有不同个失
密今之克什米爾諸書以爲痕都斯坦者訛也按唐書
皮山西境有凍凌山鑿冰乃可度今其山在克什米爾
之東北境過此卽痕都斯坦疑皮山并入克什米爾唐
書所云在於闐西南七百里疑尚有譌文也蓋護密當
四鎮入吐火羅孔道而小勃律又爲吐蕃入護密孔道
此吐蕃之所欲得四鎮十姓也得四鎮十姓則與吐谷
渾及青海合東西南北惟所欲之故肅代以後其禍益

西域考古錄 卷九

烈也 按葉氏外譯存考渴槃陀距疏勒五百里今自喀
什噶爾至入達克山六百里據此則渴槃陀似在
今內地與八達克山分界也又大唐西域記出吐火羅
境經尸棄尼商彌東北踰山越谷行七百里至波謎羅
川東西千餘里南北百餘里狹隘之處不逾十里據兩
雪山間故寒風淒勁春夏飛雪地巖鹵多沙石播植不
滋空荒無人跡川中有大龍池東西三百里南北五十
里據大蔥嶺內地最高西派一大流西至達摩鐵悉帝
東界與縛芻河合而西流東派一大流東北至佉沙國
界與徒多河合而東流故此已右水皆西流已左水皆
東流池水色青黑味甘美自此東南行五百餘里至渴
槃陀按大龍池今日哈刺淖爾華言黑海也魏氏以爲
卽官軍追霍集占未至巴達克山沿海鏖戰之地是其
地爲內外交界之地蓋 本朝西界約畧與唐同也今
考波謎羅川卽播密川
尸棄尼卽五識匿也

